

1907

CAP. II. DE QUÆSTUS MERETRICII

26 suum vel membra ejus, sive facultatem de iis disponendi nemo sibi
 23 ullo jure vindicare poterit. Quicunque vero sibi illud tribuerit,
 injuriosus erit primo in DEUM tanquam omnis potestatis auto-
 rem, sine cuius speciali concessione nemini ullum imperium &
 per consequentiam dominium competere potest; Reus recte erit
 imminutæ Majestatis Divinæ, qui sibi tale quid sine autoritate
 24 Divina temere afferit. Deinde injuriosus est scortator adversus
 seipsum, dum corpus suum liberum sibi & libidini suæ mancipat:
 hinc *Paulo* etiam notanter *1. ad Corinth. 6. vers. 18.* scortator
 in proprium corpus peccare dicitur. Injuriosus denique est in
 alios, quibuscum in societate vivit. In vita enim sociali nemo
 vel Superioris imperio, cui cæteri omnes parent, se eximere, vel
 prærogativam sibi quandam prä aliis citra eorum injuriam assi-
 gnare valet: jam scortator se eximit Superioris imperio, cui illud
 solum divinitus in omnes inferiores concessum erat, dum ex sua
 libidine vivere contendit, & de membris corporis sui pro arbitrio
 disponere instituit; quæ tamen dispositio D E I & ejus, qui à
 DEO accepit, imperio reservata erat: prærogativam vero
 sibi quandam tribuit, dum liberius vivere vult, quam coeteri
 vivunt.

25 Porro scortator omnis in eo etiam gravissime peccat, quod
 corpore suo abutatur: abuti vero re aliqua omnis ille dicitur,
 qui usum ejus ad debirum finem non dirigit, ex quo alias regu-
 lariter actio moralis æstimari solet: Jam vero scortator usum
 membrorum generationi, servientiam ad debitum finem non
 dirigit, dum ea non generationi sed voluptati suæ destinat, nec
 generandi, sed libidinis causa congreditur: Imo licet generet,
 id tamen prä ter ejus intentionem contingit. Hinc homines
 ante diluvium *Genes. 6. vers. 12.* omnem viam in terra corrup-
 se leguntur; quod ingluviei omnique intemperantiae generi
 operam navarent. Ut mittamus stupratores sæpe se inutiles
 reddere vilæ sociali, in qua aliis operas suas & ministeria exhibere
 debebant. Inde satis putamus constare turpidinem vitæ
 meretriciæ naturalem *conf. Dom. à Soto d. J. & J. libr. 5. quæst. 3.*

Art.